

Шайх Саъид Мұхаммад Нурнинг ҳаёти



11:03 / 08.09.2020 1404

Шайх Саъид Мұхаммад Нур раҳимаҳуллоҳ Қоҳиранинг Шубра маҳалласида таваллуд топған. У Шайх Мұхаммад Барбариј раҳимаҳуллоҳ қироати ёзилған камсонли пластиналарини тинглашни ёқтиар өткізу қироат борасида унга тақлид қиласа.

Профессор Маҳмуд Саъданий «Алханус-само» (Само оҳанглари) китобидаги «Ўрмондан келган бир овоз» деган сарлавҳа остида жумладан, қуйидагиларни ёзади: «Хозиндора» масжидида буғдой ранг бир йигит бор бўлиб, Қуръони Каримни турли тариқлар билан ўзгача услубда тиловат қиласа. Унинг қироати кўзларни ёшлатар, ҳатто умри бинога келиб кўз ёши нималигини билмаган кўзлар ҳам унинг қироатига дош бера олмай, шашқатор сув қуяр эди. Унинг исми Саъид Нур эди. Бу йигит факат бир мартагина радиода тиловат қилган бўлса-да, радиода фаолият юритаётган баъзи қорилардан машҳурроқ эди. Шайх Саъид Мұхаммад Нур раҳимаҳуллоҳ шуҳратининг сири шунда эдики, у киши ҳаммага маълум бўлган қироатларга ўхшамаган услубда тиловат қиласа.

Кейинчалик Шайх Саъид Мұхаммад Нур раҳимаҳуллоҳ ҳаж ибодатини амалга ошириш мақсадида Ҳижоз ўлкасига йўл олади. Бу муқаддас ўлкага етиб келиши билан Жиддадаги радиода тиловат қилиб, қироатларини овозли тасмаларга ёздиради. Мазкур радио 1949 йилда ташкил қилинган

бўлиб, Саудия Арабистонидаги илк радио ҳисобланади.

Шайх Саъид Мұхаммад Нур раҳимаҳуллоҳ Марям, Тоҳо, Ҳадид ва Таквир сураларини тиловат қилиб, овозли тасмаларга ёздиради. Бу тасмалар кўплаб масъул шахслар томонидан илиқ кутиб олинди. Ҳатто Радио Бош Бошқармаси (ҳозирги ОАВ вазирлиги) Шайх Саъид Мұхаммад Нур раҳимаҳуллоҳнинг тасмаларини минглаб нусхаларда тайёрлаб, ҳаж учун келган вазирлар, президентлар ва радио соҳаси вакилларидан иборат меҳмонларга тарқатилди. Саудиянинг собиқ қироли Малик Абдулазиз Шайх Саъид Мұхаммад Нур раҳимаҳуллоҳнинг қироатини ёқтирадар эди. Шунинг учун Саудия қироли Шайх Саъид Мұхаммад Нур раҳимаҳуллоҳга муқаддас диёрда қолишни таклиф қилган. Аммо Шайх Саъид Мұхаммад Нур раҳимаҳуллоҳ беъзи шароитларни инобатга олган ҳолда ўз узрини баён қилиб, таклифни рад этган.

Шайх Саъид Мұхаммад Нур 1960 йил июль ойида Мисрдан чиқиб, Қувайт давлатида истиқомат қила бошлади. Қувайт радиоси ташаббуси билан Қуръони Карим тиловати шайхнинг овозида тўлиқ ёзиб олинган. Бу қироат ҳар ҳафта радиода янграб турган. Минг афсуски, шайхнинг бу мероси бизгача етиб келмаган. Қувайтда рўй берган инқилоб натижасида радио архивига жиддий зарар етган бўлиб, жумладан шайх Саъид Мұхаммад Нур раҳимаҳуллоҳнинг тиловатлари ёзилган овозли тасмалар яроқсиз ҳолга келиб қолган.

Шайх Саъид Мұхаммад Нур раҳимаҳуллоҳ 1965 йил Қувайтда вафот этган. Бу ҳақда nquran.com сайти хабар берди. Шайх Саъид Мұхаммад Нур раҳимаҳуллоҳнинг фарзандлари оталари вафотидан сўнг юздан зиёд овозли тасмаларга ёзилган тиловатларини Жидда радиосига топширадилар. Ҳозирда бу тасмалар радио архивида сақланмоқда. Мазкур тасмалар Мисрдаги «Хозиндора» масжидида ёзиб олинган бўлиб, 50 йиллик тарихга эга.

Quran.uz каналидан олинди